

مستشرقان

طبع و محل اداره :

م. ل. اوغمنده امنیت
 سندوخی جوارنده
 شکول بقوشنده
 ۲۲ نومرو

سلک. زه موافق آثار
 جدیده مع المنونبه
 قبول اولنور

درج ابدله بن آثار اعاده اولنور

دیر ، فلسفه ، علوم ، معنوی ، ادبیات تاریخ ، و سیاسیامده و بالخاصه احوال و مشوره اسلامیه بحث ابرو هفته ده بر نشر اولنور.

صاحب و مؤسسلری :

آبونه بدلی

در سعادتده نسخه سی ۵۰ یا ۵۰۰

ابوالعلا زین العابدین - ح . اشرف ادیب
 تاریخ تأسیسی

قبله دن مقوا بورو ابله کوندریلمیره سنوی

۲۰ غروش فضله آلنر

۱۰ تموز ۳۲۴

سنه لکی	التی آیلنی	غروش
۶۵	۲۵	۲۵
۶۰۰	۲۰۰	۲۰۰
۱۷	۹	۹

یدنخی جلد

۱۵ کانون اول ۱۳۲۷

۷ محرم الشریفه ۱۳۳۰ یخشنبه

عدد : ۱۷۳

بتون هندستان غلیانده

مصرده منتشر اللواء رفیق محترمزه (ابراهیم جاسر) امضاسیله یازیلپور: مسلمانلر ایله هندولر بالاتفاق بر اجتماع عمومی عقد ایتشلردر. بو اجتماعلرده هر ایکی طرفدن مؤثر نطقلر ایراد ایدیلرک حرارتلی آقیشلرله، تظاهرات شدیدله ایله مقابله اولونمشدر. خطیبلر، باخصوص خطیب هندوسی حاضرونی بالخاصه اطبایی طرابلسک مدافعه سنه، بو خصوصده تبرعاً بولمغه تشویق ایتشلردر. ناطقه پرداز، بش بیک اروییه ایله باب تبرعی کشاد ایتش جماعتک بر چوغی بو اترحیتله اتباع ایدرک پک بیوک مبلغ طویلاشمش و بر طرفندن ده اعانه یازلمغه دوام ایدلمکده بولمشدر.

انکلیز حکومتی، بواجتماعی متعاقب ممانعت ایتک ایسته مش ایسه ده شدتلی بر روی ممانعت کورمش و مجتبعین بو تظاهراتی هندعائله لرینک ممالک عثمانیه ده اثنای سیاحتلرنده کوردکاری اکرام و مسافر پروراکه و عثمانیلردن مشاهده ایتدکاری مکارم اخلاق و آنارسیکنت و وقاره قارشی بروجییه کبی تنقی ایتدکاری بیان ایله احتجاج ایتشلر و آوروپاده بولندقلری مدتجه بونک عکسنه اوله رق آوروپالیرک جفا و تحقیرینه قابا معامله لرینه تصادف ایتدکاری علاوه ایتشلردر.

« بوکا بناء بزهندولر، دولت عثمانیه یه تمایلی برامرواجب کوروبورز، ایطالیانک دولت عثمانیه یه قارشی اعلان ایتدیکی حربی، بر حرب دینی کبی دکل شرق و غرب نقطه نظرندن تلقی ایدیبورز، بزشرقی قرداشلرمزه قارشی وجائب اخوتی ادا ایتکله مؤاخذه ایدیله مه یز، چونکه شرقک شرقی، سلامتی دولت عثمانیه نک شرف و سلامتنه مربوطدر. معاذالله بودولت، بر کره سقوط ایدرسه ویل اهل شرقه! بو ایشده بالکمز مسلمانلردکل، بتون شرق علاقه داردر.

شبهه سزکه ایطالیانک بوتجاوز و حشته کارانه سی خبیث و خسران ایله نتیجه لنه جک، امور مالییه سی مختل اوله جق، آتش احتیاج ایچنده قاوریله جق، آرزغلتک جزاستنی پک آجی بز صورتده چکچکدر،

قالکوتده بتون عمله، برهفته لک معاشلرینی دولت عثمانیه یه، حربده دوچار مضایقه اولانلره تبرع ایتشلردر. متبرعینک عددی، مسلمان و هندولردن بیکرجه در. بولردن کینک معاشی یوز، کینک بیکدر. مسلمانلر، (انجمن اسلام النادی) ده اجتماع ایله مجروحین ایچون جمع اعانته مدار اولاجق بر تشبته بولمشلر، بو صورته ده مهم بر مبلغک تأمیننه موفق اولمشلردر.

هر جمعه نمازندن اول جماعته اجزای شریفه قرآنیه توزیع اولنیور. بو عالی همتر، شبهه سز اهل اسلامک محصله شهامت و حمیتی ایسه ده هندولرکده بو خصوصده دولت عثمانیه یه قارشی ابراز ایتدکاری حسیات مودتکارانه نک و بتون شرقی قرداشلرینه قارشی حس ایتدکاری رابطه اخوتک ذکر جمیلی ایله کندیلرینه بتون اخوان شرقی نامنه ادای شکر ایتک لازمدر.

عین زمانده یاره لشمش اولان قادینلری اسیر ایدوب کتوردکن ماعدا بالاتزام بر چوق مسجد شریف ایله اهلینک قوناقلرینی تخریب و احراق ایتشلردر. محرک ایکسینده اهالی سکون و اعتداله تمایل اولدقلری حالده، ینه روسلر، وحشتلرندن بر دلولو واز کچه میهرک پک چوق معصوم قادین و چوقلرک قانیه کیرمشلر و کلی مقدارده ابنیه و اما کنی قصداً یاقشلردر. اکر روسلر یارینده حرکات غیر مشروعه و خونریزانه لرینه دوام ایده جک اولورلرسه، هر حالده بز، تبریز اهالیسی عموماً مدافعه یه مجبور اولورز. کندی مظلومیت مزله حقوق مشروعه مزک مدافعه سنه روسلر طرفندن مجبور ایدلدیکمزی عموم مطبوعات ایله جهان مدنیته اعلان ایدر و عین زمانده روسلرک اصول و قوانین حقوقیه و معاملات جاریه انسانیه خلافنده ایقاع ایلدکاری مظلومی پروتستو ایله بتون عالمک انظار دقت بی طرفانه لرینی مظلومیت و مغدوریت مزه جلب و دعوت ایلرز.

مصر تظاهرات دینی و وطنپرورانه سی

بنغازی یه کیتک اوزره سلانیکدن حرکت ایدوب مصره اوغرایان هلال احمر هیئتک بو وطن طیراغنده کی اخوان دین و وطندن حسن قبولی تصویر ایدن و «روم ایلی» رفیق مزده مندرج بولنان خصوصی برکتوبدن مصرده کی تظاهرات دیندارانه و وطنپرورانه یه عائد شوو بر قاق فقره یی بتون مسلمانلری یکدست وفاق و اتحاد کورمک ایستیان اخوان دینک نظرگاه اقتخارلرینه عرض ایدیورز:

«اسکندریه یه مواصلمت مزده مصر و اولان مساعی و هممات و وطنپرورانه سایه سنده همان هر شیشمزی حاضر بولدی. هر طرفدن تسبیلات فوق العاده یه مظهر ایدیلپورز. حواجک تدارکی خصوصنده شمیدی یه قدر اک اوفاق بر مشکلات بیله کورمدک. صوب مقصودیمزه متوجهاً حرکت ایتک نیتنده یز. لہا محمد هر شیشمزی تام و مکملدر. اولجه بریلن یوز اللی انکلیز لیراسنه علاوه تلغرافه اشعار ایدیلش اولدینی وجهه برنسس امینه خاتم افندی حضرتلری طرفندن بش یوز انکلیز لیراسی ده تبرع اولمشدر. مصر هلال احمر هیئتی ده تشرین ناینسک یکر می سکرنجی کونی

قاهره دن شهنده و فرله اسکندریه یه کله جک و قره طریقیله بنغازی یه حرکت ایده چکلردر. کرک سلانیکدن کتیردیکمز و کرک بورادن تدارک ایتدیکمز اشیا «۵۰۰» دوامک بر جموله تشکیل ایده جکی جهتله شمیدین مقدار کافی دوه تدارک ایدیلشدر. هیئت منسوبینی ایچینده بر رات مباحعه ایدیلشدر مصرلی تبار قارده شلریمزه مراجعت ایتدیکمز زمان بز او قدر فوق العاده، او قدر نا قابل تصویر حسن قبوللر کوستریورلردی که ..

بز کندیلرینه تشکر ایتک، بو حسن قبوللرک قلبمزده حاصل ایتدیکی متدارقلری ممکن مرتبه اظهار ایلامک ایسترکن اونلر: «خایردییور- لردی، تشکره حاجت یوق. بز، تشکره شایان برشی یامیور، انجق وظیفه وطنیه مزی ایفا ایدیورز. امین اولیکمز که هر نه یابه یامیورسه ک اونلرک همی بزم واجبات دینی مزدن، وظائف اخوتمز دندر. اکر سزه، دشمنله چاریشان و طنداشلریمزک امدادینه قوشان قارده شلریمزه بر معاونتده بولنیورسه ق بو اوغورده هر صورته معاونتده بولمغه نک بوتون اسلاملرک بورجی اولدیغنی تقدیر ایتدیکمز دندر.»